

Eqqakkat pillugit Namminersorlutik Oqartussat nalunaarutaat nr. 3, 7. januar 2021-i-meersoq

Avatangiisit innarlitsaaliorneqarnissaanik Inatsisartut inatsisaanni nr. 9-mi, 22. novembari 2011-meersumi (avatangiisinut inatsit) § 10, imm. 1-imi, nr. 5, 6, 12, 20, 23 aamma 25, § 40, imm. 1 aamma 2, § 45, imm. 2-4, § 56, imm. 1 aamma § 66 imm. 3 naapertorlugit aalajangersarneqarpoq:

Kapitali 1

Atuuffia

§ 1. Nalunaarummi eqqagassanik, tassungalu ilanngullugu immikkoortiterisarnerit, iluaqutissanngortitsisarnerit, igitsisarnerit atueqqittarnerillu, inatsimmi allami malittarisassi-unneqanngitsut suliarinnittarneri pineqarput.

Imm. 2. Nalunaarummi atortut piffissami eqqagassanngorneriniit piffissamut eqqagassaajun-naarnissaat tikillugu pilersaarusioneqartarnerinut suliarineqartarnerinullu malittarisassat aalajangersarneqarput.

Kapitali 2

Nassuiaatit il. il.

§ 2. Nassuiaatit kapitalimi matumani saqqummiunneqartut nalunaarummut matumunnga, avatangiisinut inatsimmut eqqakkallu pillugit maleruagassanut allanut, taakku tunngavigalugit aalajangersarneqartunut, kiisalu kommunit eqqagassalerinerinut, tassungalu ilanngullugu kommunit eqqagassat pillugit maleruagassiaannut atuutsinneqarput.

§ 3. Eqqaaneq imatut paasineqassaaq, ilanngussaq 1 naapertorlugu atortussiaq pequlluunniit tigussaasoq, piginnittup igitaa, igissallugu siunniussaa imaluunniit igissallugu pissussaaffigisaa.

Imm. 2. Nalunaarummi matumani maleruagassat aamma avatangiisinut inatsimmi § 36, imm. 1 naapertorlugit atortussiaq pigisalluunniit igitassaanersut kommunalbestyrelsip aalajangiiffigisassavaa. Tassunga ilanngullugu kommunalbestyrelsi pisussaavoq, atortussiaq pigisarluunniit qanoq inissinneqassanersooq aalajangiissalluni.

Imm. 3. Taamaattorli nioqutissiornerup ingerlanerani atortussianik pigisanilluunniit inuussutissarsiutigalugu tunisassiornerup inernerit eqqakkatut isigineqassanngillat, atortussia-mik pigisamilluunniit taassuminnga sanaartorneq pingaarnertut siunnerfigineqanngippat, aamma:

- 1) atortussiaq pigisarluunniit atoqqinneqassasoq qularnanngippat,
- 2) atortussiaq pequlluunniit nalinginnaasumik suliffissuarmi suliaasunut naleqqiullugu annertunerusumik suliarinngikkaluarlugu toqqaannartumik atornerqarsinnaappat,
- 3) atortussiaq pequlluunniit nioqutissiornermut ilagitillugu sananeqarpat, aamma

4) atoqqinneqarnissaa akuerisaappat, tassalu atortussiap pigisalluunniit atorneqarnerani tunisassiornermik, avatangiisinik peqqissutsimillu illersuinnermut piumasaqaatit attuumassutilit tamarmik naammassineqarpata, aammalu avatangiisit inuilluunniit peqqissusaannut ataatsimut sunniuteqarnerlussanngippat.

Imm. 4. Atortussiap pequtilluunniit eqqakkanut piumasaqaatinik ukuninnga naammassinnikkunnaarnerat pillugu kommunalbestyrelsi aalajangiisassaaq:

- 1) atortussiaq pequlluunniit iluaqutaalersinneqarluni naammassineqarpata, tassunga atoqqinneqarnera ilaatinneqarluni,
- 2) atortussiaq pequlluunniit siunertamut immikkoortumut nalinginnaasumik atorneqarpata,
- 3) atortussiamut peqummulluunniit taamaattumut niuerfimmik peqarpata imaluunniit piumaneqarpata,
- 4) atortussiaq pequtilluunniit siunertanut immikkut ittunut teknikkikkut piumasaqaatit naammassineqarpata, aammalu tunisassiamut tunngatillugu inatsisit najoqqutassallu atuuttut naammassineqarpata, aammalu
- 5) atortussiamik peqummilluunniit atuneq avatangiisinut inuilluunniit peqqissusaannut tamarmiusumut sunniuteqarnerlussanngippat.

Imm. 5. Kommunalbestyrelsip aalajangersakkami tassani imm. 3-4 naapertorlugit aalajangiinerit pillugit Naalakkersuisut ilisimatittassavaa.

§ 4. Atuisinnaatitaasoq tassaavoq nunaminertamik atuisinnaasoq, nalinginnaasumik nunaminertamik atuinissamik akuerineqartoq. Akuersissummik atuukkallartussamik imaluunniit atavartussamik tunniussinnermut, kiisalu nunaminertanut sanaartorfiunngitsunut eqqaasoqassappat tamanna atuutissaaq.

Imm. 2. Atuisinnaatitaanermut nallersuunneqassapput:

- 1) inissianik, illunik sumiiffinnillu inuussutissarsiutinik ingerlataqarfiusunik attartortut atuisullu, aamma
- 2) inissianik illunillu ineqarfissanik attartortut atuisullu, illuni attartortitakkani inissiat pingasuuppata ikinneruppataluunniit.
- 3) illunik attartortitakkanik, attartortitakkanik pingasut sinnerlugit inissartaqartunik attartortitsarpata, attartortitsisut atuisussaataitanermik piginnittut isigineqassaaq.

Imm. 3. Aamma atuisinnaatitaasoq suliffeqarfinnut, peqatigiiffinnut aammalu atavartumik imaluunniit atuukkallartussamik inunnut katersuuffissianik aaqqissuussinnermut aaqqissuussisunut nallersuunneqassaaq.

§ 5. Atuisinnaatitaasoq kinaluunniit inoqutigiittut suliffeqarfittulluunniit aalajangiigaassaaq. Atuisinnaatitaasoq inoqatigiinnut suliffeqarfimmulluunniit nallersuunneqarsinnaanersoq kommunalbestyrelsimit aalajangiiffigineqassaaq.

Imm. 2. Sullissiviit, umiarsualiviit assigisaallu suliffeqarfittut immikkoortinneqassapput.

Imm. 3. Nunaateqarfiit, nersutaateqarfiit, akunnittarfiit neriniartarfiillu, aammalu asimi inuussutissarsiutigalugu suliat allat suliffeqarfittut immikkoortinneqassapput.

Imm. 4. Kommunalbestyrelsip imm. 1 naapertorlugu, minnerpaamik aalajangiinnermini tunngavissat uku tamarmiusut ilaatissavai:

- 1) Eqqagassat tamarmiusut amerlassusissaattut suussusissaattullu naatsorsuutigisat.
- 2) Suliassap piffissaq eqqarsaatigalugu sivilissusissaa.
- 3) Suliassami siunertaq.

§ 6. §§ 3-mi aamma 4-mi nassuiaatigineqartut saniatigut, nassuiaatit uku ukuunnga atorneqassapput:

- 1) Eqqakkani iluaqutissanngortinneqarsinnaasut: Eqqakkat atoqqitassanngorlugit piareersarneqarsinnaasut, atoqqinneqarsinnaasut inaarutaasumik iluaqutissanngortitsinissamut atorneqarsinnaasut, imaluunniit passusseriaatsit taaneqartut arlaannik siunertaqarluni piareersarneqarsinnaasut.
- 2) Eqqagassalerinermut atortut: Atortut eqqakkanik iluaqutissanngortitsiviusartut piaaffiusartullu, taakkununnga atortut iluaqutissanngortitsinissaq piiaanissarluunniit sioqqullugu eqqakkanik piareersaaffiusartut ilaatinneqarlutik.
- 3) Eqqaaviit: Eqqaavik, eqqakkat kommunip eqqakkanik katersuisarnerani katersuinissaq sioqqullugu igitsiviususaaq.
- 4) Eqqakkanik immikkoortiterisarneq: Eqqakkat suuneri, katitigaaneri imaluunniit aallaavii tunngavigalugit immikkoortiterneqartarneri, soorlu asfalti, pappiaqqat, pappiaqqat qeratasuut, assakaasukut, saviminikut, atortut elektroniskiusut, batteriit akkumulatorillu, PVC-t, plastikkit, igalaamernit, eqqakkat annoraaminernik gumminillu akullit, issut qisuillu.
- 5) Eqqakkanik piginnittoq: Eqqagassanik pilersitsisoq, imaluunniit inuk suliffeqarfilluunniit eqqakkanik piginnittoq.
- 6) Eqqakkanik pilersitsisoq: Kinaluunniit suliaqarnermigut eqqakkanik pilersitsisoq imaluunniit piareersaanermi, akoorinermi allatulluunniit suliaqarnermi eqqakkat suussusiinik katitigaanerinilluunniit allannguisoq.
- 7) Eqqakkat suussusii: Eqqakkat ilanngusaaq 1-imi eqqakkat allattorsimaffianni allassimasut, aammalu EAK-kode-lerlugit allaaserineqartut.
- 8) Eqqakkanik assartuisoq: Kinaluunniit inuussutissarsiutigalugu allap akiligaanik eqqakkanik assartuisoq.
- 9) Uumasuneersunit eqqakkat: Eqqakkat uumasuneersut aamma uumasut toqungasut, taakkunungalugu uumasut perlukui ilaatinneqarput.
- 10) Innersuussisarneq: Aaqqissuussineq maleruagassatigut aalajangigaasoq, tasanilu eqqakkanik pilersitsisoq eqqakkanik kommunalbestyrelsip innersuussinera malillugu eqqaavimmut akuerisamut tunniussinissamut akisussaaffeqarpoq.
- 11) Suliarinninneq: Iluaqutissanngortitsinerit piiaanerillu, tassungalugu iluaqutissanngortitsinissaq piiaanissarluunniit sioqqullugu piareersaanerit ilanngullugit.
- 12) Atuisussaataaneq: Pisussaaffeqarfiupput:
 - a) katersuisarnermut innersuussisarnermulluunniit aaqqissuussinermut malittarisassanik aalajangersarneqartunik atuinissaq, imaluunniit
 - b) eqqakkanik passussinissamut kommunalbestyrelsip innersuussutaanik aalajangersimasunik, katersuisarnermut innersuussisarnermulluunniit aaqqissuussinernut ilaatinneqanngitsunik malinninnissaq.

- 13) Uumassusilinnit eqqakkat: Angerlarsimaffinnit, neriniartarfinnit, nerisassiuussisarfinnit aamma niuertarfinnit nerisassat igaffimmiillu eqqakkat arrorsinnaasut, kiisalu suliffeqarfinnit inuussutissaleriffiusunit eqqakkat assingusut, taakkunungalu naatsiivinnit eqqakkat, aalisakkanit aammalu uumasunit allanit eqqakkat ilaatinneqarput.
- 14) Eqqakkanik piiiassarneq: Suliaq iluaqutissanngortitsiviunngitsaq sunaluunniit, aamma suliaq kingunerisassat ilaattut atortussianik katersueqqinnermik.
- 15) Illulianit sanaartukkanillu eqqakkat: Eqqakkat illulianit sanaartukkanillu pisut, taakkunungalu nutarterinerit, iluarsaassinerit isaterinerillu ilaatinneqarput.
- 16) Angerlarsimaffinnit eqqakkat: Eqqakkat angerlarsimaffinni pilersinneqartut, aaqqissuus-sinernut allanut ilaatinneqanngitsut, aammalu pingaartumik tassaasut igaffimmit eqqakkat, eq-qiluisaarnermi eqqakkat atortullu atorunnaakkanik minnerusunik ilaqartut, taakkunungalu nerisassat igitat sinnikullu allat, soorlu pappiaqqat, pappiaqqat qeratasuut, plastikkit poortuutissallu, kiisalu aalisakkanit piniakkanillu, nammineq atugassatut pisanit piniakkanit eqqakkat.
- 17) Eqqakkat angerlarsimaffinnit eqqakkanut assingusut: Eqqakkat suliffeqarfinnit pilersinneqartut, katitigaanermikkullu inuinnaat angerlarsimaffiinit eqqakkanut assingusut.
- 18) Inissiiveqarfik: Sumiiffik eqqakkanik ataavartussamik utaqqiisaagallartumilluunniit inissiiiviusoq, avatangiisinut inatsimmi kapitali 5 naapertorlugu avatangiisit pillugit akuersissuteqarfiusimasoq.
- 19) Eqqakkat inissinneqarnissamut naleqquttut: Eqqakkat iluaqutissanngortitsinissamut imaluunniit ikuaallaanissamut naleqqutinngitsut.
- 20) Toqqaannartumik atueqqiineq: Tunisassianik atortunillunniit, piareersaaqqaarani killiffik atorneqarsinnaasunik atueqqittarneq.
- 21) Eqqaavissuag: Sumiiffik eqqakkanik piujuartussamik inissiiffiususaaq, avatangiisinut inatsimmi kapitali 5 naapertorlugu avatangiisit pillugit akuersissuteqarfiusimanngitsaq.
- 22) Atortunit elektroniskiusunit saviminikut: Eqqakkat atortunit innaallagiamoortunit elektroniskiusunillu pisut, taakkununga støvsugerit, qulliit elektroniskiusut, peerit sipaarutitallit, kissamik supoortut, kaffiliorutit, qillerutit, TV-kkut isiginnaarutit, qarasaasiat, radiut, mobiltelefonit kissarsuutillu ilaatinneqarlutik.
- 23) Poortuutit: Tunisassiat qanorluunniit ittut atortullu poortuinnermut, illersuinnermut, passussinnermut, tunisassioortumiit tunisassiassanik nioqqutissanilluunniit piareersakkanik nassiussinnermut, imaluunniit taakkuninnga saqqummiussinnermut atorneqartut. Atortut siuner-tamut ataatsimut ataasiaannarluni atorneqartut taamatuttaaq poortuutissatut isigineqassapput. Poortuutissanut taamaallaat ilaapput:
- a) Tuniniaanermi poortuutit imaluunniit poortuutit pingaarnerit, tassalu tunitsivimmi poortuutit ataatsitut atuisussamut inaarutaasumut imaluunniit atuisartumut tunisassatut ilusiligaasut.
- b) Tamanut poortuutit imaluunniit poortuutit pingaannginnerusut, tassalu tunitsivimmi poortuutit arlalinngorlugit tunisassatut ilusiligaasut, tassani atuisussamut inaarutaasumut imaluunniit atuisartumut tunisassatut ilineqarnerat imaluunniit tunitsivimmi ilisivinnik ulikkaarutaannartut atorneqarnerat apeqqutaatinngagu. Tassalu imaappoq, nioqqutissanit nioqqutissap piginnaanera allannngortinngikkaluarlugu peerneqarsinnaavoq.

c) Assartuinnermut poortuutit imaluunniit sullissinnermut atatillugu poortuutit, tassalu poortuutit tunitsivinni arlalinni imaluunniit poortuutit tamanut atorsinnaasunik atuinermi passussinissamik assartuinnermillu oqinnerulersitsisussanngorlugit ilusiligaasut, taamaalillunilu inuup nammineerluni passussinerani assartuinneraniluunniit ajoqusiinissat pinngitsoortinneqarsinnaallutik. Assartuinnermut poortuutissanut containerit aqqusinertsigut, qimuttuitsut aqquataasigut, umiarsuakkut silaannakkullu assartorneqartartut ilaatinneqanngilat.

24) Poortuutit igitassat: Poortuutit imaluunniit poortuutit atortut suulluunniit, § 3 naaper-
torlugu eqqakkanut nassuiaatinut ilaatinneqartut, tassani tunisassiornermit igitassat kisimik
pineqaratik.

25) Inuussutissarsiutinik ingerlataqarnermit eqqakkat: Eqqakkat suliffeqarfinit
pilersinneqartut, taakkununga eqqakkat angerlarsimaffinit eqqakkanut assingusut, igitassat
angisuut, inissialiornermit sanaartormillu eqqakkat, tunisassiornermut eqqakkat,
suliffissuarnit eqqakkat, eqqakkat immikkoortitikkat, issut nunalerinnermiillu eqqakkat ilaallu-
tik. Inuussutissarsiutinik ingerlataqarnermit eqqakkat ulorianartuusinnaapput
uloriananngitsuusinnaallutilluunniit.

26) Eqqakkat ulorianaatillit: Eqqakkat ilanngussaq 1-imi eqqakkat allattorsimaffianni
eqqakkat ulorianaatillit allassimasut nalunaaqutsersimasullu, aammalu ilanngussaq 2-mi
allassimasut ulorianaammik ataatsimik arlalinnilluunniit ersersitsisut. Aamma eqqakkat,
ilanngussaq 2-mi allassimasut ulorianaammik ataatsimik arlalinnilluunniit ersersitsiviusut
eqqakkat ulorianaatillit isigineqarput.

27) Piareersaneq: Iluaqutissanngortitsinissaq paaanissarlunniit sioqqullugu timi, kissaq,
akuutissat. arrotitsinerit imaluunniit iluaqutissanngortitsinissaq paaanissarlunniit
sioqqullugit suliat allat, taakkunungalugu ilaatinneqarput immikkoortiterineq, sequtserineq, e-
qiterineq, atortunik naqigussineq, panersiineq, aserorterineq, kissaatigisaq
malillugu ilusiliineq, immikkoortiterineq ilaallutik, aammalu iluaqutissanngortitsinissaq
sioqqullugu paaaneq, poortueqqinneq, sequtserineq imaluunniit akulerussineq, taamaalillunilu
eqqakkat annertussutsimikkut ulorianassutsimikkullu annikillisinneqarnissaat imaluunniit
allatut iliorluni passukkuminarnerulersinneqarnissaat siunertaralugu piginnaasaannik
allanngortitsineq.

28) Atueqqinnissaq siunertaralugu piareersaasaneq: Atueqqinnissaq siunertaralugu
piareersaneq: Iluaqutissanngortitsinermit suliaqarnerit suulluunniit nakkutilliinertut,
saliinertut iluarsaassinertulluunniit ittut, tassanilu nioqqutissiat imaluunniit nioqqutissiat
atortui eqqagassanngorsimasut piareersaneqartarput, taamaalillutillu allatut piareersaneqara-
tik atoqqinneqarsinnaasunngortinneqartarlutik.

29) Eqqakkat ikuallanneqarsinnaasut: Eqqakkat iluaqutiginneqarsinnaanngitsut aammalu
ikuallaanikkut peerneqarsinnaasut, ikuallanneqanngikkunik ikuallaavimmut piumasaaqatinik
unioqqutitsiviusinnaasut, imaluunniit akuutissanik avatangiisinut
peqqissutsimullu akuerineqarsinnaanngitsunik annertussusilinnik aniatitsisinnaasut.

Eqqakkanut ikuallanneqarsinnaasunut ilaatinneqanngilat:

a) Eqqakkat, inatsisit malillugit ikuallanneqarnissaanut inerteqquataasut.

- b) Eqqakkat inatsisit malillugit, tassungalu malittarisassat kommunalbestyrelsimit akuerineqartut ilanngullugit katersorneqassapput imaluunniit suliarinniffissamut allamut piiianermiluunniit aaqqissuussinnermut allamut innersuunneqassallutik, taakkunungalu iluaqutissanngortitsinerit inissiinerilluunniit ilaatinneqarput.
- 30) Isumaqatiginninniartoq: Inuk suliffeqarfylluunniit, niuernermik tunngaveqarluni eqqakkanik niueruteqartoq.
- 31) Misileraanermik tunngaveqarluni immikkut aaqqissuussineq: Aaqqissuussineq, piffissami sumiiffimmiluunniit killilikkami immikkoortunik ataatsinik arlalinnilluunniit aaqqissuussinerup sumiiffimmut annertunerusumik siaruarneqarsinnaaneramik ataavartunngortinneqarsinnaaneranilluunniit misissuinissaq siunertaralugu atorneqartoq.
- 32) Eqqakkat atoqqinneqarsinnaasut: Eqqakkat atoqqinneqarnissaminut naleqquttut, imaluunniit inatsisit malillugit atoqqinneqartussat.
- 33) Atoqqiineq: Iluaqutissanngortitsiniarluni suliaqarneq sunaluunniit, eqqakkanik tunisassiassanut, atortussanut akuutissanulluunniit allanngortillugit piareersarneqarfiat, taakku aallaqaammut siunertaasumut siunertanulluunniit allanut atorneqarnissaat apeqqutaatinnagu. Tassunga atortunik arrorsinnaasunik, kisiannili nukkissiornermut atorneqartussaangitsunik piareersaaneq aamma atortunik ikummatissatut immiissutissatulluunniit atorneqartussanik piareersaaneq ilaatinneqarput.
- 34) Atoqqitassanik katersivik: Atortoq atoqqitassanik suliaqarnermut atorneqartoq.
- 35) Atoqqiisarneq: Suliaq sunaluunniit, nioqqutissiat atortulluunniit siunertamut ilusilerneqarfimminut atoqqinneqarnissaannik suliaqarfiusoq.
- 36) Angerlarsimaffinnit eqqakkat: Eqqakkat angerlarsimaffinni pilersinneqartut, taakkununga angerlarsimaffinnit eqqakkat, eqqakkat angisuut, naatsiivinnit eqqakkat, eqqakkat immikkoortitikkat issuillu ilaallutik. Angerlarsimaffinnit eqqakkat ulorianartuusinnaapput ulorianangitsuusinnaallutillulluunniit.
- 37) Passussineq: Eqqakkanik katersuisarneq, iluaqutissanngortitsisarneq paaasernerlu, taakkununga tamatumunnga atatillugu aammalu inissiiveqarfimmi suliaqqiisarnermut kiisalu tuniniaasut akunnermuliuttullu suliaannut nakkutilliinerit ilanngullugit.
- 38) Katersuineq: Eqqakkanik aallerneq, tassungalu eqqakkanik ikuaallaavimmut assartuussinissaq siunertaralugu aallarniutaasumik inissititerineq ilanngullugit.
- 39) Katersuisarnermi aaqqissuussineq: Aaqqissuussineq malittarisassatigut aalajangersagaasoq, tassanilu eqqakkat tunniussivissamut katersuivimmulluunniit tunniunneqarpata passussinerup ingerlateqqinneqarnissaanut akisussaaffik kommunalbestyrelsip tigussavaa.
- 40) Suliffeqarfik katersuisartoq: Suliffeqarfik niuernermik siunnerfeqarluni eqqakkanik katersuisartoq.
- 41) Akuutissat igitassat: Suliffissuarmi suliffinnit kukkusumik tunisassiornermi igitassat aamma akuutissat atornikut, aammalu laboratorianit igitassat akuleriit assigisaallu, kiisalu angerlarsimaffinnit akuutissat naliginnaasut, soorlu arrorsaatit qalipaatillu sinnikui.
- 42) Eqqakkanik immikkoortiterisarneq: Sumiiffimmi eqqakkat aqqusaagaanni immikkoortiterisarneq, tassungalu atortut atuuffissallu malillugit immikkoortiterisarneq ilaatinneqarpoq.

- 43) Nakorsiartarfinnit eqqakkat ulorianartut: Eqqakkat tunillaanneqarnissamut ulorianartorsiorfiusinnaasut allatulluunniit peqqissutsimut immikkut ittumik ulorianartorsiorfiusinnaasut.
- 44) Kommuniq eqqagassanik passussisarfia: Kommuniq eqqakkanik passussisarfia, kommunalbestyrelsip ataatsip amerlanerusulluunniit passussiasarfiup annersaanik piginneqataaffigisaat, imaluunniit ingerlatseqatigiiffimmi assigisaanilluunniit eqqakkanik suliaqarnermi atortumik pigisaqartumi aningaasaatit annersaannik toqqaannartumik toqqaannangitsumilluunniit pigisaqarfigisaa.
- 45) Akunnermuliuttoq: Suliffeqarfik sunaluunniit, allat sinnerlugit, taakkunungalu akunnermuliuttut namminneerlutik eqqakkanik tiguisussaannigitsut ilanngullugit, eqqakkanik suliaqarnissamik aqqissuussisoq.
- 46) Iluaqutissanngortitsineq: Suliaq sunaluunniit, eqqakkanik atoqqiinnermi, atueqqinnermi allatulluunniit suliaqarnermi atortunik allanik atuinermik taarsiinikkut iluaqutissanngortitsiviusoq, taakkunungalu suliat eqqakkanik taamatut iluaqutissanngortitsinissamut piareersarfiusut ilaatinneqarput.
- 47) Uuliakut: Suliffissuarnit uuliat imaluunniit uuliat atortussianit inuilluunniit pilersitaannit pisut suulluunniit, siunertanut aallaqqaammut atuuffigisaminnut naleqqukkunnaarsimasut, soorlu motorinut ikummatitsivinnut aqqusersuutinullu uuliat, kiisalu maskiinanut, turbininut atortunullu hydraulik-imik ingerlatilinnut uuliat.
- 48) Eqqakkat angisuut: Eqqakkat anginerit, soorlu pequtit, sisoraatit, sikkilit, igaffimmi atorut innaallagiamoorut, savimernit saffiugassallu, dunkit madrassillu. Tassanili illuliornermit sanaartornernillu eqqakkat pineqanngillat.

Kapitali 3

Eqqagassanik pilersitsisartut

§ 7. Eqqagassanik pilersitsisut pisussaapput, nalunaarut manna kommunit eqqagassalerinermut malittarisassiaat kommunalbestyrelsillu inassuteqaataat malillugit eqqakkanik isumaginnissallutik, immikkoortiterissallutik piaassallutillu.

Kapitali 4

Eqqagassanik tunngaviusumik pilersaarusiordermi tulleriissaarinq il.il.

§ 8. Eqqakkanik passussinermi eqqagassanik tunngaviusumik tulleriiaarisarneq uku aallavigineqartassapput:

- 1) Eqqagassanngortitsinaveersarneq.
- 2) Atueqqinnissaq siunertaralugu piareersaaneq.
- 3) Atoqqiisarneq.
- 4) Allatut iluaqutissanngortitsineq.
- 5) Piianeq.

Imm. 2. Eqqakkanik passussinermi eqqagassanik tunngaviusumik tulleriiaarisarneq saneqqunneqarsinnaavoq, tunngavissat immikkut ittut, soorlu teknologi nutaaq, aningaasaqarnermi eqqarsaatigisassat amerassutsikkullu eqqarsaatigisassat tamatumunnga

tunngavissiippata, aammattaaq tak. imm. 3-mi tunngavissat.

Imm. 3. Eqqakkanik passussinermi eqqagassanik tunngaviusumik tullerriaarisarnermik atuineq taassuminngalu saneqqutsineq avatangiisini inuiaqatigiillu aningaasaqarneranni tamarmiusumi angusassat pitsaanerpaat anguneqarnissaat siunertaralugu.

Kapitali 5

Mingutsitsinermut atatillugu akisussaaffiit pisussaaffiillu

§ 9. Kinaluunniit eqqakkanik passussisoq passussinermi silaannarmut, imermut, sikumut, qaqqamut nunamulluunniit mingutsitsinnginnissamut tamatumunngaluunniit ulorianartorsior-titsilinnginnissamut akisussaasuvoq.

§ 10. Kinaluunniit silaannarmut, imermut, sikumut, qaqqamut nunamulluunniit uuliamik, akuutissanik igitassanilluunniit allanik mingutsitsisoq erngerluni tamanna pillugu kommunalbestyrelsimut nalunaaruteqassaaq.

Imm.2. Mingutsitsinermut akisussaasuusup mingutsitsinerup kingunissaannik pinngitsoor-titsiniaassaaq, imm. 1 naapertorlugu nalunaaruteqartoqarsimagaluarpalluunniit.

Imm. 3. Mingutsitsinermut akisussaasuusooq uuliap, akuutissat eqqakkalluunniit ulorianaatillit katitigaaneri, amerlassusaat il.il. pillugit paasissutissanik attuumassutilinnik tamanik kommunalbestyrelsimut ilisimatitsissuteqassaaq.

Kapitali 6

Eqqakkat pillugit pilersaarusiortarneq nalunaarsuisarnerlu

§ 11. Kommunalbestyrelsi ukiut sisamakkaarlugit kommunimi eqqakkanik passussisarnermut ukiunut 12-inut pilersaarusiortassapput. Pilersaarut, Naalakkersuisunut akuerisassanngorlugu saqqummiunneqartussaq ukuninnga imaqassaaq,

1) Immikkoortoq nalunaarsuinerlut tunngasoq, ukiumut ilivitsumut qaangiuttumut kommunimi eqqagassalerinerup killiffianik allaaserisaqarfiusoq, tak. § 12,

2) Immikkoortoq anguniakkanut tunngasoq, kommunalbestyrelsip eqqagassalerinermit anguniagaannut pingaarnernut nassuiaateqarfiusoq, aamma

3) Immikkoortoq pilersaarusiornermut tunngasoq, piffissami nalunaarusiorfiusumi ukiunut sisamanut siullernut pilersaarusianik immikkut aallussiviusoq, tak. § 13.

Imm. 2. Kommunit eqqagassalerinerlut pilersaarutaat nuna tamakkerlugu eqqagassalerinerlut pilersaarutit aallaavigalugit suliarineqassapput, taakkulu taakkununga uniutissanngillat.

Imm. 3. Kommunalbestyrelsi nalunaarsuinissanut piumasarineqartunut paasissutissanik peqanngippat, Naalakkersuisut saneqqutsitsinissamut immikkut ittunik akuersissuteqarsinnaapput, taannalu malillugu kommunalbestyrelsi sapinngisaminik pitsaanerpaamik naliliilluni nalunaarsuissaaq. Taamatut pisoqartillugu aamma kommunalbestyrelsi paasissutissat piumasarineqartut siunissami qanoq iliorluni pissarsiniartarnissaminik eqqarsaateqarnerluni nassuiaateqartussaavoq.

Imm. 4. Immikkut ittunik eqqarsaatigisassaartoqarpat, Naalakkersuisut anguniagaqarnissa-

mut pisussaaffimmik saneqqutsitsinissamut immikkut ittumik akuersissuteqarsinnaapput.

Imm. 5. Immikkut ittunik eqqarsaatigisassaartoqarpat, Naalakkersuisut pilersarusiornissamut pisussaaffimmik saneqqutstsinissamut immikkut ittumik akuersissuteqarsinnaapput.

§ 12. Kommunip eqqagassanik passussinerata immikkoortua nalunaarsuinissamut tunngasoq ukuninnga imaqassaaq:

- 1) Kommunimi eqqakkat pilersinneqartut amerlassusiisa ataatsimut nalunaarsorneri aammalu qanoq eqqagassat iluaqutissanngortinneqarnersut iginneqarnersulluunniit pillugu allaaserinnineq, imatut agguarlugit
 - a) eqqakkat inuussutissarsiutinik ingerlataqartunit aamma inuinnarnit pisut,
 - b) ilanngussaq 1 naapertorlugu eqqakkat suuneri (EAK-kodit), imaluunniit
 - c) eqqakkat immikkoortitikkat.
- 2) eqqakkat kommunimut tikisinneqartut imaluunniit kommunimiit nassiunneqartut amerlassusaannut nalunaarsukkat, suussusaannut agguarlugit,
- 3) eqqakkanik katersuisarnermut innersuussisarnermullu aaqqissuussinermi nalunaarsukkat nassuiaatillu,
- 4) tigooraavinnut, inissiivinnut ikuallaavinnullu il.il. kommunimi inissisimasunut nalunaarsukkat nassuiaatillu, taakkununnga qanoq issusii, pisinnaasaat il.il. inissaqartitsisoqarsimasinnaanera ilanngullugit, aamma
- 5) kommunip eqqagassalerinermut aningaasartuutaat pillugit nassuiaat, taakkununnga ingerlatsinermut aserfallatsaaliuiner mullu aningaasartuutit ilanngullugit.

§ 13. Immikkoortoq pilersarusiornermut tunngasoq minnerpaamik uku pillugit nassuiaammik ilaqartinneqassaaq:

- 1) Siunissami kommunimi eqqagassat amerlassusissaannut missiliuineq.
- 2) Eqqakkanik immikkoortunik katersuisarnermut aaqqissuussinerit suut kommunalbestyrelsimit aallartitassatut eqqarsaatigineqarnersut.
- 3) Kommunimi eqqagassalerinermut atueqqittarnermullu atortut ingerlanneqarnissaannut aserfallatsaaliorneqarnissaannullu pilersaarutit.
- 4) Eqqagassalerinermut atueqqittarnermullu atortut suut sananeqartussatut, aamma suut atorunnaarsinneqartussatut pilersaarutigineqarnersut. Taakkununnga siunissami eqqakkat amerlassusissaatut naatsorsuutigisat tunngavigalugit pisinnaasaat ilassutissaannik sananissamut pisariaqartitat, atortut atorneqartut pisinnaasaannut piffissamullu atasinnaaffiunut sanilliunneqarneri ilanngullugit.
- 5) Pilersaarutip kommunalbestyrelsip missingersuutaanut eqqagassanullu akiliutit amerlassusaannut aningaasaqarnikkut kingunerisassai.
- 6) Siunissami iluarsaassinissamut, allanngortiterinissamut imaluunniit passussivinnik nutaanik sananissamut aningaasaliissutissatut pilersaarutigineqartut.
- 7) § 8 naapertorlugu eqqagassanik tunngaviusumik pilersarusiornermi tulleriiarineq naapertorlugu iliuusissatut pilersarusiat qanoq annertutigisumik atorneqarnissaannik naliliineq.

§ 14. Kommunalbestyrelsip kisimiilluni imaluunniit kommunalbestyrelsit allat suleqatigalugit kommunit ataatsimoorlutik eqqakkanut ingerlatseqatigiiffimmut eqqakkanut pilersaarut, § 11-mi taaneqartoq tamakkerlugu ilaannaaluunniit suliariniarlugu aalajangiutissappagu, eqqakkanut pilersaarut kommunalbestyrelsinit ataasiakkaanit akuerineqassaaq.

Imm. 2. Aamma kommunalbestyrelsit ataasiakkaat eqqakkanut pilersaarummi, kommunit ataatsimoorlutik eqqakkanut ingerlatseqatigiiffiannit suliarineqartumi kommunini eqqakkanut pilersaarusiornissamut piumasaqaatit sukkulluunniit atuuttut malinneqarnissaasa qulakkeerneqarnissaa akisussaaffigaat.

Kapitali 7

Nalunaarsuisussaataa-nermut- paasissutissiisussaataa-nermut nalunaaruteqartussaataa-nerlu

§ 15. Eqqagassanik assartuisartut eqqagassanik assartuinissamut pilersaaruteqarunik piffissat qanoq ilinerini assartuinissamik pilersaaruteqarnerlutik kommunalbestyrelsimut nalunaarutigissavaat. Eqqagassanik assartuisartut akuttunngitsumik eqqagassanik assartuisarunik piffissap qanoq ilinerani eqqagassanik assartuisassanerlutik nalunaarutigiinnarsinnaavaat.

Imm. 2. Suliffeqarfiit § 6, imm. 37 naapertorlugu eqqakkanik passussisartut, aammalu avatangiisinut inatsimmi kapitali 5 naapertorlugu akuerineqartussaataa-nermut, piffissat qanoq ilinerini eqqakkanik passussinissaq pilersaarutiginerlugu kommunalbestyrelsimut nalunaarutigissavaat.

Imm. 3. Suliffeqarfiit imm. 1-imi aamma 2-mi taaneqartut kommunalbestyrelsimut qinnuigineqarnerminni eqqagassat assartorneqartut suliarineqartullu amerlassusaat, katitigaanerat immikkoortitigaanerallu pillugu paasissutissanik tunniussissapput.

§ 16. Kommunalbestyrelsip suliffeqarfiit paasissutissanik, kommunalbestyrelsip malittarisassiamini allaaserisaanik tamanik, eqqagaatimik katitigaaneranut suliarineqarnerinullu tunngasunik, kommunalbestyrelsip avatangiisinut illersorsinnaasumik suliaqarnissaanut qulakkeerisinnaasunik tunniussinissamut pisussaaffilersinnaavai.

Imm. 2. Eqqakkat amerlassutsimikkut, katitigaanermikkut piginnaaneqarnermikkullu annertuumik allannguuteqarpata, suliffeqarfiit imm. 1-imi pineqartut erngerlutik tamanna pillugu kommunalbestyrelsimut nalunaaruteqassapput.

§ 17. Kommunalbestyrelsip minnerpaamik ukiumut ataasiarluni kommunip ukiumoortumik eqqagassalerinermut aningaasartuutai tamarmiusut pillugit paasissutissat Naalakkersuisunut nassiuttassavai.

Kapitali 8

Malittarisassiortussaataaneq

§ 18. Kommunalbestyrelsi malittarisassanik ataatsinik amerlanerusunilluunniit suliaqassapput, eqqakkat kommunimi atuisinnaatitaasunit pilersinneqartut katersorneqartarnerinut innersuunneqartarnerinullu aqqissuussinernik allaaserisaqarfiusunik.

§ 19. Kommunalbestyrelsi eqqakkanut katersuisarnermut aqqissuussinermut malittarisassanut ilaasunut najoqqutassanik imaattunik aalajangersaassaaq:

- 1) Katersisarnermut aqqissuussinerit annertussusaat.
- 2) Katersisarnermut aqqissuussinerup piareersagaanera.
- 3) Eqqakkat immikkoortuini taaneqartuni immikkoortiterinissamut piumasaqaatit.
- 4) Eqqakkanik ulorianaatilinnik angerlarsimaffinnit eqqakkanut naliginnaasunut ilanngullugit igitsinissamut inerteqquteqarneq.
- 5) Aqqissuussinermut peqataanermut akiliutip akilerneqartarnera.

Imm. 2. Tamatuma saniatigut kommunalbestyrelsi makku pillugit najoqqutassanik aalajangersaasinnaavoq:

- 1) Atuisinnaatitaasup eqqaavinnik pisinissamut, ikkussinissamut aserfallatsaaliuinissamullu pisussaaffeqarnera.
- 2) Eqqakkanik pilersitsisartunut ataasiakkaanut eqqaaviit ilusissaat suussusissaallu.
- 3) Eqqaaviit amerlassusissaat, tassungalu inissiffissaat ilanngullugit.
- 4) Eqqaavinnik immiisarneq.
- 5) Eqqaavinnik eqqaanilu eqqiluisaartitsineq, taakkununga aputaajaasarneq ilaalluni.
- 6) Eqqaavinnik imaarsisarneq.
- 7) Eqqakkat angisuut.
- 8) Eqqakkanik atoqqinneqarsinnaasunik passussineq.
- 9) Eqqakkat pillugit paasissutissat, taakkununga eqqakkanik ikuallanneqarsinnaasunut eqqakkanillu atoqqinneqarsinnaasunut immikkoortiterisoqarsimanersoq ilaatinneqarluni.
- 10) Eqqakkanik passussinissamut maleruagassat immikkut ittut, sullivimmi avatangiisini passussisarnermilu ajornartorsiutinik tunngavilersugaasut.
- 11) Misiliummik aqqissuussinerit

Imm. 3. Aammattaaq kommunalbestyrelsi eqqakkanut innersuussisarnermi aqqissuussinermut ilaasunut makkununga piumasaqarsinnaavoq:

- 1) Eqqakkat poortorneqarnissaat.
- 2) Eqqaaviit nalunaarsorneqarnissaat.
- 3) Eqqakkat uninngatinneqarnissaat.
- 4) Piareersarnissaat.
- 5) Eqqakkanut utaqqiisaannaagallartumik toqqorsinissamut imaluunniit inissinissamut innersuussisarneq.
- 6) Eqqakkanik nalunaarutiginnittarneq.

Kapitali 9

Eqqakkanut aqqissuussinerit

§ 20. Kommunalbestyrelsi eqqakkanut aqqissuussinernik pilersitsissaaq, kommunip eqqakkanut malittarisassaani allassimasussanik, takuuk kapitali 8.

Imm. 2. Aqqissuussineq imm. 1 naapertorlugu pilersinneqartoq katersuisarnermut innersuussisarnermullu aqqissuussinertut pilersinneqassanersoq kommunalbestyrelsip aalajangissavaa. Katersuisarnermut aqqissuussineq, aasassatut- tunniussivittullu aqqissuussineq pilersinneqarsinnaavoq.

Imm. 3. Kommunip aqqissuussinera aallartinneqarpat, aqqissuussinermut peqataasut tamarnik aqqissuussinernik atuinissaq pisussaaffigilissavaat.

§ 21. Kommunalbestyrelsip illoqarfinni nunaqarfinnilu tamani ukununga katersuisarnermut innersuussisarnermullu aqqissuussinerni, aasassatut- tunniussivissatullu pilersitsinissaq qulakkiissavaa:

- 1) Angerlarsimaffinnit eqqagassat aamma eqqagassat angerlarsimaffinnit eqqakkanut assingusut.
- 2) Eqqakkat ulorianaatillit.
- 3) Eqqakkat angisuut.
- 4) Ujaqqat, issuit ujaraqqat, sanaartornermi atortut immiissutissallu allat iluaqutissanngortinneqarsinnaasut.
- 5) Saviminikut saffiugassakullu.
- 6) Toqqaannartumik atoqqitassat.
- 7) Qimmit uumasullu minnerit allat timaanniit igitassat.

Imm. 2. Kommunalbestyrelsi katersuisarnermi aqqissuussinernik imm. 1-imi allassimasut saniatigut allanik pilersitsisinnaapput.

Imm. 3. Atuisinnaatitaasup eqqakkat, aqqissuussinernit kommunip eqqakkanut malittarisassaani allassimasut naapertorlugit immikkoortiterneqarnissaat qulakkiissavaa.

§ 22. Kommunalbestyrelsi eqqakkanik, kommunimi eqqakkanik katersuisarnermut innersuussisarnermullu aqqissuussinernut ilaatinneqanngitsunik tunniussivissanik innersuussissaaq. Innersuussut eqqakkanik passussinissamut piumasagaatinik, kommunalbestyrelsimit pisariaqartutut isumaqarfigineqartunik imaqarsinnaavoq, taakkunungalu eqqakkat immikkoortunut immikkoortiterneqarnissaat piumasagaat ilaatinneqarpoq.

Imm. 2. Eqqakkat piginnaanerinik aalajangersimasunik naliliineq tunngavigalugu innersuussisoqassaaq.

Imm. 3. Passusseriaatsit innersuunneqartut atorineqassapput. Tamatumanili pappiaqqat eqqakkat, paasisutissanik isertuussanik imaqartut pineqanngillat. Qanoq ilinerani pappiaqqat eqqakkat paasisutissanik isertuussanik imaqartussaansut suliffeqarfiit namminneerlutik aalajangissavaat.

Imm. 4. Eqqakkat kommunalbestyrelsip innersuussutai naapertorlugit immikkoortiterneqarsimanerat passunneqarsimanerallu atuisinnaatitaasup kommunalbestyrelsimut uppersassavaa.

Imm. 5. Eqqakkat eqqortumik suussusersineqartarnissaat passunneqartarnissaallu qulakkeerniarlugu, kommunalbestyrelsip suliffeqarfiit peqqusinnaavai, eqqakkanik taakkulu

katitigaaneriniq misissueqqullugit.

Imm. 6. Kommunalbestyrelsi eqqakkanik innersuunneqartunik suliaqarnissaq pillugu tigooraavimmut avatangiisit pillugit akuerisamut isumaqatigiissuteqarsinnaavoq, taakkunungalu eqqakkanik atoqqitassatut innersuunneqartussanik tigooraasarnissaq pillugu isumaqatigiissutit ilaatinneqarput.

Kapitali 10

Kommunit eqqakkanik aqqissuussinerannik atuisussaatitaanermut pisussaaffeqarunnaarti-taaneq

§ 23. Suliffeqarfiit eqqakkanut ulorianaatilinnut tunngatillugu atuinissamut pisussaaffeqarunnaartitaanissaq pillugu qinnuteqarsinnaapput.

Imm. 2. Qinnuteqartoqareernerani suliffeqarfiup nammineerluni iliuseqarnermini suliffeqarfiup eqqakkat ulorianaatillit avatangiisinut illersorneqarsinnaasumik isumagisinnaallugit uppersarsinnaappagu, suliffeqarfik § 20, imm. 3 aamma § 22, imm. 3 naapertorlugu atuisussaatitaanermut pisussaaffeqarunnaarsinneqartoq kommunalbestyrelsi suliffeqarfimmut nalunaaruteqarsinnaavoq.

Imm. 3. Kommunalbestyrelsi uppersarsaatissatut atortumut eqqakkanik pineqartunik suliaqarsinnaasumut, avatangiisit pillugit akuersissuteqarfiusumut isumaqatigiissutip assilineranik piniassaaq.

Imm. 4. Pisussaaffeqarunnaarsitaaneq ukiuni tallimani, imaluunniit atortumut avatangiisit pillugit akuersissuteqarfiusumut pineqartumut isumaqatigiissutip atorunnaarnissaata, atortulluunniit avatangiisit pillugit akuersissummik annasaqarnissaata tungaanut atuutissaaq.

Imm. 5. Suliffeqarfik pissutsinik imm. 4-mi allaaserineqartunik allannguuteqartoqartillugu kommunalbestyrelsimut ilisimatitsinissamut pisussaaffeqarpoq.

Kapitali 11

Kommunalbestyrelsip akiliutinik aalajangersaasarnerani akiligassiisarneranilu tunngaviusut

§ 24. Eqqakkanut akit akit allattorsimaffianni aajangersarneqassapput. Akit allattorsimaffiat kommunalbestyrelsimit akuerineqassaaq aammalu kommunip nittartagaatigut tamanut ammasumik saqqummiunneqassalluni.

§ 25. Akiligassat, nalunaarummi matumani taaneqartut avatangiisinut inatsimmi kapitali 7-imi akiliutinut malittarisassat naapertorlugit akilersinneqartassapput.

§ 26. Kommunalbestyrelsi akiliutinut tunngaviusunut atuisinnaatitaasumut akileeqqusissaaq.

Imm. 2. Akiliutinut tunngaviusut - akiliutit agguaqatigiissinneqarnerat tunngavigalugu aaliangersarneqassapput. Kommunalbestyrelsip akiliutinut tunngaviusut ukununga aningaasartuutinik matussutissanik imaqartissinnaavai:

1) Allaffissorneq.

- 2) Misileraanermi aqqissuussinerit
- 3) Malittarisassanik aalajangersaaneq.
- 4) Eqqagassalerinermi paasissutissanik katersineq.
- 5) Paasititsiniaaneq.
- 6) Piumasaqaatit § 30-mi allassimasut tunngavigalugit immikkoortitsineq.
- 7) Angerlarsimaffinnit eqqakkanik passussinissamut innersuussutit aalajangersimasut.
- 8) Pilersaarutit aqutsinerillu, aqqissuussinernut ataasiakkaanut tutsinneqarsinnaanngitsut.
- 9) Kommunit eqqaaveqarfiinik nakkutilliineq, matusineq suliareqqiinerlu.

§ 27. Kommunalbestyrelsi kommunimi atuisinnaatitaasunut, aqqissuussinernut ilaatinneqartunut tamanut katersuisarnermut innersuussisarnermullu aqqissuussinernut akiligassanik aalajangersaassaaq akiliisitsisassallunilu. Aallersinnaanermik oqqussisinnaanermillu aqqissuussineq ilaalluni

Imm. 2. Katersuisarnermut aqqissuussinerni aallertarnermut aqqissuussinernut akiliutissaq, kiffartuussineq angerlarsimaffinnut atugassiissutigineqartoq, eqqakkat aaneqartartut oqimaassusaannik, eqqaaviit imartussusaannik, imaarsisarnerup akulikissusianik tunngavissalluunniit taakku ataatsimoortinnerinik tunngaveqartoq tunngavigalugu aalajangersarneqassaaq. Kommunalbestyrelsi tunngavissanut ilaliussassanik, atuisinnaatitaasut ataasiakkaat aqqissuussinernut artukkiisarneranut, soorlu eqqakkat suussusaannut amerlassusaannulluunniit tunngasunut naleqquttunik aalajangersaasinnaavoq. Kommunalbestyrelsi – immikkut aqqissuussaanut tunngatillugu immikkut ittumik akileqqusisinnaanngilaq.

§ 28. Kommunalbestyrelsi akit allattorsimaffianni suliffeqarfinit eqqakkanut, tigooraavinni, eqqaavissuarni, inissivinni nakkutigisani, ikuaallaavinni kommunimiluunniit avatangiisit pillugit suliaqarfinni allani tiguneqartunut tiguisarnermut akiliutinik aalajangersaassaaq.

Imm. 2. Akiliut eqqakkat immikkoortiterneqarnerisa pitsaassusaannut, amerlassusaannut suussusaannullu naapertuutissaq.

Imm. 3. Eqqakkat ulorianaatillit tamatigut eqqakkanit allanit immikkoortinneqartassapput, aammalu kommunip eqqakkat suliarineqarnissaannut qulakkeeriniarluni aningaasartuutissai eqqarsaatigalugit immikkut akilersinneqartassallutik.

Imm. 4. Eqqakkat ulorianaatillit eqqakkanit allanit immikkoortinneqarnissaat suliffeqarfiup qulakkeersimanngippagu, eqqakkat suliffeqarfiup akiligaanik kommunalbestyrelsimit isumagineqarlutik immikkoortiterneqassapput.

§ 29. Kommunalbestyrelsi saniatigut aningaasartuutinut, eqqakkanik pilersitsisunit ataasiakkaanit kommunalbestyrelsimut akiligassanngortitsisunut immikkut ittumik akiliutissanik aalajangersaasinnaapput akiliisitsisinnaallutillu, taakkununggalu atuisinnaatitaasup eqqunngitsumik immikkoortiterineranut aningaasartuutit imaluunniit atuisinnaatitaasumut eqqagassanik aallernermut tunngasunik saniatigut aningaasartuutit ilaatinneqarput.

Imm. 2. Kommunalbestyrelsi atuisussaataitanermut piginnittunut nalunaajaatigissallugu,

akiliutissaq qanoq iliorluni naatsorsorneqarsimanersoq atuisinnaatitaasumut nassuiaateqarfigissallugu.

§ 30. Akiliutissanik aalajangersaanermi kommunalbestyrelsi aningaasaliiffissanut pilersaarutaasunut immikkoortitanut ilaatitsisinnaavoq,

- 1) kommunalbestyrelsi atortunik iluarsaassinissamut, allanngortiterinissamut imaluunniit nutaanik sananissamut aalajangiisimappat,
- 2) kommunalbestyrelsi aningaasaliiffissat annertussusaannut missingersuutit aningaasaliiffissamullu aningaasalersuinissamut pilersaarut tunngavigalugu aalajangiisimappat, aamma
- 3) aningaasaliiffissaq kommunimi eqqagassalerinermut pilersaarummi atuuttumi allassimappat.

Kapitali 12

Nunaminertat silamiittut saligaatsuutinneqarnerat aamma eqqaavinnik atuisarnek il.il.

§ 31. Illuni ataasiakkaani eqqagassat eqqaavinnut, illut pigisalluunniit ataasiakkaat qanitaannut inissinneqarsimasunut katersorneqartassapput.

Imm. 2. Eqqakkat sumiiffimmu, eqqaavilerisunit ukioq kaajallallugu tikikkuminartunngorlugit aqqusineqartumut inissinneqassapput.

Imm. 3. Eqqaavinnik quimut immikkut ittumut assigisaanulluunniit, pisortat aqqusinniutaasa illullu akornanni qaninnerpaamiittumut inissiinissaq kommunalbestyrelsip akuerisinnaavaa piumasaaqatigisinnaallugulu.

Imm. 4. Eqqaaviit imaat uumasunit tikinneqannginnissaat qulakkeerniarlugu eqqaaviit ilusiligaassapput.

Imm. 5. Katersuisarnermut aqqissuussinernut atatillugu kommunalbestyrelsip malittarisassani eqqaavinnik aalajangersimasunik atuinissaq peqqussutigisinnaavaa. Eqqaavinnik puussiartalinnik atuinissaq peqqussutigineqarpat, puussiat katersuisarnermi aqqissuussineq aqqutigalugu tunniunneqartassapput.

§ 32. Eqqakkanik qanorluunniit ittunik inissiisoqassanngilaq tamaangaannarluunniit igitsisoqassanngilaq..

Imm. 2. Atuisinnaatitaasut tamarmik pisussaapput, illuutimik eqqaani avataaniluunniit nunaminertap atorineqartup killinganiit siumut uuttorlugi 25 meterit tikillugit, imaluunniit illup saniliusup kusernulluunniit sinaanut ungasissutsip qeqqanut akuttunngitsumik salisassallutik. Illuni namminerisamik biilnut unittarfeqartuni, pinnguartarfeqartuni assigisaanilluunniit peqartuni piginnittoq nammineerluni salisussaavoq.

Imm. 3. Aamma kommunalbestyrelsip illumik suliffeqarfimmilluunniit piginnittoq, eqqakkat illumit pineqartumit pisut peqqullugit peqqusinnaavaa.

Imm. 4. Kommunilbestyrelsip kommunimi sumiiffiit imm. 2-mi aamma imm. 3-mi ilaatinneqanngitsut tamarmik eqqiluisaartinneqarnissaat qulakkeertussaavaa.

Imm. 5. Igitassanik inissiisup imaluunniit tamaangaannaq eqqaasup eqqakkat peernissaat akisussaaffigaa. Kommunalbestyrelsi igitassanik inissiisoq imaluunniit tamaangaannaq eqqaasooq eqqakkat peeqqullugit peqqusinnaavaa.

Imm. 6. Imm. 5-imi atuisinnaatitaasup imm. 2 naapertorlugu saliinissamut pisussaaffeqarnera, imm. 3 naapertorlugu peqqussuteqasinnaatitaaneq imaluunniit imm. 4 naapertorlugu kommunalbestyrelsip saligaatsuutitsinissamut akisussaaffeqarnera killilerneqanngillat.

§ 33. Kommunalbestyrelsip illoqarfiup nunaqarfiullu iluani sumiiffinni tamanit atorneqartuni tamani eqqaavilersuinissaq qulakkeertussaavaa.

Imm. 2. Kommunalbestyrelsip illoqarfiup nunaqarfiullu iluani sumiiffinni tamanit atorneqartuni tamani arsakoorfilersuinissaq qulakkeertussaavaa. Arsakoorfiit eqqaavinnut, imm. 1-imi taaneqartunut ilagitillugit aaqqiissutigineqarsinnaapput imaluunniit immikkoortilugit aaqqiissutigineqarsinnaallutik.

§ 34. Kommunalbestyrelsi upernaakkut nunap aattulernerani ukiakkullu sapinnginnerani tamatigut kommunimi silami nunaminertanik inuinnaat pisortat ataatsimut saliinissaat pillugu allagarsiisassaaq aallartitsisassallunilu.

Imm. 2. Imm. 1 naapertorlugu kommunalbestyrelsip allagarsiussaa piffissamut ataatsimoorluni saliiiffissamut paasissutissanik imaqassaaq. Saliineq sumiiffinnut assigiinngitsunut agguarneqarsinnaavoq.

Imm. 3. Ataatsimoorluni saliinissaq kommunalbestyrelsip piffissaliussaata ingerlanerani maleruagassat, imm. 1-imi aamma imm. 2-mi taaneqartut malillugit ingerlanneqartassaaq.

Imm. 4. Tamatumunnga atatillugu eqqakkat, eqqakkat angisuut eqqakkallu assingusut katersorneqartut kommunalbestyrelsip allagarsiinera naapertorlugu piumasaaqatitut nalunaarutigineqartumut inissinneqassapput.

Kapitali 13

Eqqakkanik ikuallajasunik ikuallaaneq, inissitassanillu toqqortuinerit kiisalu kommunip eqqakkanik aaqqissuussineranut tunngasunik aqutsinera.

§ 35. Eqqakkat tamarmik atortuni tamatumunnga atorneqarnissaanik akuerisaasuni suliarineqartassapput.

§ 36. Eqqakkat ikuallanneqarnissaminnut naleqqutinngitsut ikuallanneqannginnissaat kommunalbestyrelsip qulakkiissavaa.

§ 37. Eqqakkat ikuallanneqarnissamut naleqquttut taamaallaat atortumi tamatumunnga akuerisami ikuallanneqarsinnaapput.

Imm. 2. Eqqakkat ikuallanneqarnissamut naleqquttut, kommunip eqqagassanut aqqqissuussineranut ilaasut aammalu eqqakkat aalajangersimasumik innersuuneqartut atortumi

tamatumunnga akuerisami ikkuallatassanngorlugit innersuunneqarnissaat kommunalbestyrelsip qulakkiissavaa.

Imm. 3. Kommunalbestyrelsimit qinnuteqartoqarneratigut sivisunerpaamik qaammatini pingasuni ammaannartumik ikuallaasarallarnissamut imaluunniit eqqakkanik ikuallanneqarsinnaasunik toqqorsigallarnissamut, aammalu atugassarititaasut piumasaaqatillu uku naammassineqarsimanissaat apeqquataatillugit Naalackersuisut immikkut ittumik akuersissuteqarsinnaapput:

- 1) Najukkami, nunap immikkoortuani nunaluunniit tamakkerlugu eqqakkanik ikuallaavimmik avatangiisinut akuerisamik peqartinnagu, ikuallaavik akuerineqartoq ingerlatinnagu imaluunniit allanik peqquteqartumik ikuallaavik atorneqarsinnaatinnagu.
- 2) Piffissami atuisinnaanngiffiusumi kommunalbestyrelsi eqqagassalerinermi aaqqiissutissanik tamakkiisunik sulissuteqassapput.
- 3) Kommuni eqqagassalerinermut pilersaarummik akuerisamik peqassaaq.

Imm. 4. Naalackersuisut immikkut ittumik akuersissummi imm. 3 naapertorlugu piumasaaqatinik sukumiinerusunik aalajangersaasinnaapput, taakkunungalugu piumasaaqatit piffissamut ikuallaaviusussamut, ikuallaariaatsinut atorneqartunut, kiisalu sanaartukkanut imeqarfiillu killeqarfiinut ungasissusissat minnerpaaffiitut tunngasut ilaatinneqarput.

Imm. 5. Imm. 3 naapertorlugu immikkut ittumik akuersissuteqartoqannginnerani, nakorsaaneqarfimmut nunaqarfimmilu siulersuisunut tusarniaasoqaaqassaaq.

Imm. 6. Imm. 3 naapertorlugu immikkut ittumik akuersissutit nuna tamakkerlugu tusagassiutitigut, kiisalu sumiiffimmi pineqartumi periaaseq atorneqartoq nalinginnaasoq malillugu tamanut ammasumik saqqummiunneqassapput.

Kapitali 14

Eqqakkat ulorianaatillit

§ 38. Suliffeqarfiit eqqakkanik ulorianaatilinnik pilersitsisut eqqakkat pillugit kommunalbestyrelsimut nalunaaruteqassapput.

Imm. 2. Nalunaarut, suliffeqarfimmit nalunaarutigineqartoq eqqakkat suunerinut paasissutissanik ilaqassaaq, tak. ilanngussaq 1-imi amerlassutsit, poortuutit katitigaanerallu.

Imm. 3. Eqqakkanik pilersitsisut, imm. 1-imi taaneqartut kommunalbestyrelsimit qinnuigineqarnerminni eqqakkat eqqortumik immikkoortiterneqarnerat poortorneqarnerallu pillugu uppersaammik tunniussissapput.

Imm. 4. Eqqakkat ulorianaatillit kommunimi aaqjissuussinernut pilersinneqarsimasunut tunniunneqassapput, imaluunniit innersuussutit naapertorlugit passunneqassallutik.

Imm. 5. Suliffeqarfiit eqqakkanik ulorianaatilinnik pilersitsisut, eqqakkat katitigaanerat, amerlassusaat, oqimaassusaat, annertussusaat il.il. malillugit pisariaqartitsineq naapertorlugu nalunaarsorneqarnissaat isumannaatsumillu poortorneqarnissaat qulakkiissavaat.

§ 39. Suliffeqarfiit eqqakkanik ulorianaatilinnik pilersitsisut passussisulluunniit avatangiisinut inatsimmi imaluunniit avatangiisinut inatsimmi maleruagassat tunngavigalugit maleruag-

gassiarineqartut naapertorlugit tamatumunnga akuersissuteqartoqarsimangippat, eqqakkat kimikinnerulersinneqannginnissaat qulakkiissavaat.

Kapitali 15

Nakkutilliineq

§ 40. Kommunalbestyrelsip eqqakkat suulluunniit, inaarutaasumik peerneqarnissaat, atoqqinneqarnissaat, iluaqutissanngortinneqarnissaat avammulluunniit nassiunneqarnissaat, imaluunniit eqqakkap eqqagaajunnaarsinneqarnissaa tikillugu passunneqarnissaat nakkutigissavaa.

Imm. 2. Tamakkiisumik ilaannakuusumilluunniit passussineq suliffeqarfimmit kommunimit ingerlanneqanngitsumit suliarineqarpat, passussinerup nalunaarut manna kommunillu innersuussutai naapertorlugit ingerlanneqarnissaa kommunalbestyrelsimit nakkutigineqassaaq.

Imm. 3. Kommunalbestyrelsip suliffeqarfiit eqqagassanik passussinermi, assartuinermi, piiaanermi atueqqinnermilu paasissutissanik, nakkutilliinerup ingerlanneqarnerani pisariaqartinneqartunik tamanik saqqummiusseqqullugit pisussaaffilersinnaavai.

Imm. 4. Kommunalbestyrelsi eqqakkanut nalunaarut manna kommunillu eqqakkanut malittarisassiai kiisalu innersuussutai naapertorlugit passunneqarnissaat immikkoortiterneqarnissaallu qulakkeerniarlugu peqqussuteqarsinnaavoq inerteqquteqarsinnaalluniluunniit kiisalu innersuussutit.

Imm. 5. Nakkutilliinermut atuutsitsinermullu maleruagassat, avatangiisinut inatsimmi kapitali 12-imi aalajangersarneqartut atuutsinneqarput.

Kapitali 16

Naammagittaalliornissamut, pineqaatissiinissamut atortuulersitsinermullu aalajangersakkat.

§ 41. Nalunaarut manna imaluunniit eqqagassanut malittarisassat taanna tunngavigalugu aalajangersarneqartut naapertorlugit aalajangiinerit, avatangiisinut inatsimmi kapitali 14-imi maleruagassat naapertorlugit maalaarutigineqarsinnaapput.

§ 42. Pillaammik akiliisussanngortitsisoqarsinnaavoq, pineqartoq:

- 1) kommunalbestyrelsimut nalunaarutiginninnissamik pinngitsuuippat, tak. § 15,
- 2) paasissutissanik nalunaaruteqarnissamut, nalunaarutiginninnissamut imaluunniit uppernarsaatini tunniussinissamut pinngitsuuippat, tak. §§ 10, 15, imm. 3, 16, 22, imm. 4 aamma 23, imm. 5,
- 3) eqqagassanik ulorianaatilinnik nalunaaruteqarnissamut, immikkoortiterinissamut, poortuinissamut nalunaaqutsersuinissamullu piumasaqaatinik unioqqutitsippat, tak. § 36,
- 4) § 18 tunngavigalugu peqqussutini, kommunalbestyrelsimit aalajangersarneqartunik unioqqutitsippat, tassunga katersuisarnermut aqqqissuussinernik imaluunniit passussinissamut periarfissamut innersuunneqartumik atuinngitsoorneq ilanngullugu, tak. §§ 20, imm. 3, 21,

imm. 3 aamma 22, imm. 3,

5) §§ 31, 32, imm. 2 saliinissamut pisussaaffinnik unioqutitsippat,

6) § 32, imm. 1 unioqutillugu igitassanik inissiippat tamaangaannarluunniit eqqaappat, imaluunniit § 32, imm. 5-imi immikkoortumi siullermi piumasarineqartutut eqqakkanik piaanngitsoorpat,

7) §§ 22, imm. 5, 23, imm. 3, 32, imm. 3, § 32, imm. 5-ip immikkoortuisa aappaat aamma 40, imm. 4 naapertorlugit qinnuteqaatinik peqqussutinilluunniit malinninngitsoorpat,

8) § 9 naapertorlugu silaannarmik, imermik, sikumik, qaqqamik nunamilluunniit mingutsitsippat,

9) § 37, naapertorlugu akuersissummik pissarseqqaarani eqqakkanik ulorianaatilinnik kimikinnerulersitsippat akulerussippalluunniit, imaluunniit

10) nalunaarut naapertorlugu kommunillu eqqagassanut malittarisassai naapertorlugit eqqakkanik, immikkoortiterinissamik igitassinaminillu isumaginninnissaminik pinngitsuuppat/iliuuseqanngippat,

11) § 37, imm. 3 naapertorlugu immikkut ittumik akuersissuteqarnermut piumasaqaatinik unioqutitsippat.

Imm. 2. Suliffeqarfii, kommunit kommunillu suleqatigiiffii imm. 1 naapertorlugu pineqaatissinneqarsinnaapput.

§ 43. Kalaallit Nunaanni pinerluttulerinermut inatsimmi kapitali 5-imi maleruagassat naapertorlugit suliffeqarfimmut pillaammik akiliisussanngortitsisoqarsinnaavoq.

Imm. 2. Aamma nalunaarummik matuminnga unioqutitsisoqarnerani pinerluttulerinermut inatsit naapertorlugu arsaarinnittoqarsinnaavoq. Arsaarinninnermi arsaarinnissutit Nunap Karsianut iluaqtissanngortinneqassapput.

§ 44. Nalunaarut 8. januar 2021 atuutilersinneqarpoq.

Imm. 2. Tamatuma peqatigisaanik igitassanik eqqaasarneq pillugu Namminersorerullutik Oqartussat nalunaarutaat nr. 28, 17. september 1993-imeersoq, oliakunit akuutissanillu imalinnik eqqagassat pillugit Namminersorerullutik Oqartussat nalunaarutaat nr. 29, 17. september 1993-imeersoq aamma igitassanik eqqaasarnermut piumasaqaatinit immikkut akuersissuteqarnissaat pillugu Namminersorlutik Oqartussat nalunaarutaat nr. 2, 5. februar 2020-imeersoq atorunnaarsinneqarput.

Namminersorlutik Oqartussat, ulloq 7. januar 2021

Jess Svane (sign.)

/

Mette Skarregaard Pedersen (sign.)